

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA THELATHINI NA NANE

07 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA THELATHINI NA NANE – 07 JUNI, 2016

I. MASWALI:

OFISI YA RAIS (TAMISEMI):

313. MHESHIMIWA GRACE VICTOR TENDEGA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Katika miaka ya 1990, Wilaya ya Iringa Vijijini kulikuwa na mradi wa usambazaji wa maji kwa kutumia chanzo cha maji ya Mto Mtitu ili kuondokana na adha ya maji inayowakumba wananchi wa Iringa Vijijini; juhudi za kufanya upembuzi yakinifu zilifanyika ili kuweza kusambaza maji kwa *gravity* kwenye Vijiji vyote vya Kata za Maguliwa, Luhota, Mseke, Ifunda, Mgama na Maboga:-

Je, Serikali ina mpango gani wa kukamilisha mradi huu ili kuweza kuondoa tatizo la maji kwa wananchi wa Kata hizo.

**314. MHESHIMIWA JAPHET NGAILONGA
HASUNGA (VWAWA):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kuwepo kwa Wakuu wa Mikoa na wa Wilaya nchini kumekuwa kukileta migongano katika utekelezaji wa sera na shughuli mbalimbali za maendeleo nchini:-

Je, Serikali ina mpango gani wa kuupitia upya mfumo wa ugatuaji wa madaraka (D by D) ili kuweza kuuboresha na kupunguza migongano mbalimbali ya kiutendaji.

**315. MHESHIMIWA MARTIN ALEXANDER MTONDA
MSUHA (MBINGA VIJIJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Mbinga imebahatika kupata mradi wa kujenga barabara ya lami toka Kijiji cha Longa hadi Kijiji cha Litoha kwa kiwango cha lami kwa ufadhili wa Umoja na Nchi za Ulaya na mradi huo umeshaanza kutekelezwa:-

(a) Je, ujenzi wa mradi huo unategemewa kukamilika lini;

(b) Je, Serikali ina mpango gani wa kuwalipa fidia wananchi waliotoa mashamba na nyumba zao kupisha ujenzi wa mradi huo.

WIZARA YA UJENZI, UCHUKUZI NA MAWASILIANO:

316. MHESHIMIWA LIVINGSTONE JOSEPH LUSINDE (MTERA):

Atamuuliza Mheshimiwa Waziri wa Ujenzi, Uchukuzi na Mawasiliano:- Rais wa Awamu ya Nne alipotembelea Jimbo la Mtera katika Kijiji cha Mvumi – Misheni aliahidi kutujengea barabara ya lami kutoka Mlwa barabarani hadi Mvumi – Misheni kwenye Hospitali Teule ya Wilaya ya Chamwino. Pia Rais wa Awamu ya Tano katika Kampeni zake alipofika Mvumi – Misheni alisisitiza kuwa barabara hiyo itajengwa haraka iwezekanavyo:-

Je, ujenzi huo utanza lini.

317. MHESHIMIWA STEPHEN HILLARY NGONYANI (KOROGWE VIJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Kata ya Kizara tangu uhuru haijawahi kuwa na mawasiliano ya simu:-

Je, ni lini Kata hiyo itapatiwa mawasiliano ya simu.

WIZARA YA MAJI NA UMWAGILIAJI:

318. MHESHIMIWA ALLY MOHAMED KEISSY (NKASI KASKAZINI):

Atamuuliza Mheshimiwa Waziri wa Maji na Umwagiliaji:- Serikali imekwishatumia zaidi ya shilingi milioni mia nane kwa ajili ya mradi wa Skimu ya Lwafi lakini Mradi huo haujawanufaisha kabisa wakulima zaidi ya elfu nne kwa sababu haujakamilika:-

Je, ni lini Serikali itapeleka fedha ili kukamilisha mradi huo ili uwe wa msaada kwa wakulima wa mpunga zaidi ya elfu nne.

319. MHESHIMIWA DKT. RAPHAEL MASUNGA CHEGENI (BUSEGA):

Atamuuliza Mheshimiwa Waziri wa Maji na Umwagiliaji:- Mradi wa maji kutoka Ziwa Victoria kwenda Wilaya za Bariadi, Itilima, Maswa na Meatu unaanzia Wilaya ya Busega na tayari mipango pamoja na fedha ya kuanza kutekeleza mradi imeshapatikana:-

Je, ni lini Serikali itaanza kutekeleza mradi huo muhimu.

WIZARA YA ULINZI NA JESHI LA KUJENGA TAIFA:

320. MHESHIMIWA RHODA EDWARD KUNCHELA (VITI MAALUM):

Atamuuliza Mheshimiwa Waziri wa Ulinzi na Jeshi la Kujenga Taifa:- Kumekuwa na sintofahamu katika eneo la Kata ya Misunkumilo Wilaya ya Mpanda Mjini, Wanajeshi wanadai eneo hilo ni la Jeshi lakini makazi ya Wananchi yalitangulia na wana hati ya maeneo yao:-

Je, Serikali ina mpango gani sasa wa kutatua jambo hili ikiwa Jeshi limewakuta wananchi katika eneo hili.

WIZARA YA FEDHA NA MIPANGO:

321. MHESHIMIWA DESDERIUS JOHN MIPATA (NKASI KUSINI):

Atamuuliza Mheshimiwa Waziri wa Fedha na Mipango:- Wizara ya Fedha katika juhudi zake za kukusanya Mapato ya Serikali imeweka Sheria ya kukusanya Kodi ya Magari inayoitwa Motor Vehicle au Road Licence. Kodi hiyo imekuwa ikilalamikiwa sana na wananchi kwa kuwa imekuwa ikidaiwa hata kwa magari mabovu au ambayo yamepaki kwa muda wote bila kujali kipindi ambacho gari lilikaa bila kufanya kazi:-

- (a) Je, Serikali haioni umuhimu wa kuitazama upya Sheria hii;
- (b) Kwa kuwa kodi hudaiwa hata kipindi ambacho gari halifanyi kazi je, Serikali haioni kwa kufanya hivyo inawaibia wananchi wake.

WIZARA YA MALIASILI NA UTALII:

322. MHESHIMIWA MARIA NDILLA KANGOYE (VITI MAALUM):

Atamuuliza Mheshimiwa Waziri wa Maliasili na Utalii:- Sekta ya Utalii ni Sekta inayotegemewa kuliingizia Taifa mapato kwa sababu ya vivutio vingi tulivyojaliwa Tanzania:-

- (a) Je, Serikali ina mkakati gani wa kutekeleza ahadi iliyopo kwenye ilani ya uchaguzi ya Mwaka 2016 – 2020 katika kuongeza bajeti ya Wizara ya Maliasili na Utalii;
- (b) Je, ni nini mkakati wa Serikali kukiimarisha Chuo cha Utalii ili kutoa mafunzo ya Hoteli na utalii katika ngazi ya Shahada ili kuongeza ubora wa watumishi wa huduma za ukarimu na utalii;
- (c) Je, Serikali ina mkakati gani wa kuweka mazingira bora ya kuwezesha vijana kuanzisha Kampuni za kutembeza watalii katika maeneo mbalimbali ya utalii.

**323. MHESHIMIWA ALI SALIM KHAMIS
(MWANAKWEREKWE):**

Atamuuliza Mheshimiwa Waziri wa Maliasili na Utalii:- Kisiwa cha Shungimbili kilichopo Wilaya ya Mafia kinamilikiwa na mwekezaji ambaye amekibadilisha jina na kukiita Thanda, mmiliki wake ni Kampuni ya Utalii ya Zululand ya Afrika Kusini. Aidha, kuna madai kuwa Kisiwa hicho kimeuzwa kwa mwekezaji huyo; kwenye Kisiwa hicho kuna Hoteli yenye hadhi ya dunia na ndicho Kisiwa ghali duniani kuishi kwani kwa siku ni USD 10,000/= na ili upate chumba ni lazima ufanye booking kwa muda usiopungua siku 7:-

- (a) Kama Kisiwa hicho kimeuzwa, Je kimeuzwa shilingi ngapi na Hoteli hiyo inalipa kodi kiasi gani kwa Serikali;
- (b) Je, Wizara ya Maliasili na Utalii inashirikiana vipi na Wizara ya Utalii Zanzibar hasa ukizingatia Wizara ya Mambo ya Nje ni ya Muungano katika Mikataba ya Kimataifa.

**DODOMA
07 JUNI, 2016**

**DKT. T. D. KASHILILAH
KATIBU WA BUNGE**